

ի Ս. Էջմիածին: Եւ կացոյց զնա կաթողիկոսն Աթոռակալ և հրամանատու. և կացեալ բազում ժամանակս ի գործն այն՝ բարևօք կառավարելով զհոգեւոր և զմարմնաւոր կարգաւորութիւնսն...» (5):

Իր երկամեայ տեղապահութեան ընթացքին (1651—1653), կը շարունակէ նորոգութիւնը Ս. Գայիանէի և Ս. Հռիփսիմէի վկայարաններուն: Իսկ Փիլիպպոս կաթողիկոսին Կ. Պոլսէն վերադարձէն յետոյ (1653), կը նորոգէ Դարաշամբի կամ Շամբուձորի կամ Շամբի—Չորագեղի Ս. Ստեփանոս Նախավկայի վանքը: Ժամանակակից պատմիչը, Առաքել Դաւրիժեցի, այսպէս կը նկարագրէ անոր շինարարական այս գործը. «Զամենայն շինուածսն քակեաց ի հիմանց, ղեկեղեցին և զտներն և զխցերն, և զայլ ամենայն, ապա ինքն զհիմն էարկ եկեղեցւոյն, և շինեաց խաչանըման եկեղեցի սրբատաշ վիմօք, վերամբարձ կաթողիկէիւ, գեղեցկաշէն և զանազան արուեստակեալ նկարակերտութեամբ զարդարեալ: Այնպէս և զպարիսպն շուրջանակի, զտներն և զխցերն ամուր և հաստահեղոյս վիմօք շինել, որոյ ձեւն և դիրքն և յարմարութիւնքն կարի ըմբոն և պատշաճաւոր...» (6):

Այս շինութեամբ կը պարապէր, երբ

(5) Զաւարիա... Անդ էջ 60:

(6) Առաքել Դաւրիժեցի, Անդ 267: